



Inatsisartunut ilaasortaq
Doris Jakobsen
-/maani

Inatsisartunut ilaasortap Doris Jakobsenip, Siumut, Inatsisartut Suleriaasiat pillugu aalajangersakkani § 37, imm. 2 naapertorlugu apeqqutaanut - nr. 003 2012-imut allakkatigut akissut.

Arsummi innuttaasut siunissami sullinneqartarnissaat pillugu Naalakkersuisunut apeqqut.

Inatsisartunut ilaasortaq apeqquteqarneranut qutsavigaara, apeqqutillu Peqqissutsimut Naalakkersuisoqarfimmit aamma Ineqarnermut, Attaveqarnermut Angallanermullu Naalakkersuisoqarfimmit akissuteqarfigineqarput.

- 1. Arsummi qulimiguulinnik ingerlassisarnerni, nakorsaqarnikkut kigutileri-soqarnermilu sullissinerni pitsaassutsit Naalakkersuisunit aalajangiusi-maannarniarneqarpat, Kangilinnguani sakkutooqarfik, Grønlandskom-mando, Kangilinnguaniit nuunneqarpat?**

Apeqqutigineqartumut Ineqarnermut, Attaveqarnermut Angallanermullu Naalakkersui-soqarfik imaattunik akissuteqarpoq:

Kangilinnguani angallanermik sullissinermut tunngatillugu pineqarpoq immikkut isumaqatigiissuteqarnikkut timmisartuussisarneq, tassani pingaarnertut isiginiarne-qarluni Kangilinnguani najugaqartunik/suliffeqartunik sullissineq. Taamaalilluni isu-maqatigiissut Arsummi innuttaasunik sullissinertut aaqqissugaanngilaq, kisiannili inunnut Kangilinnguani atorfeqartitaanngitsut bilitsisinnaanissaannut periarfissiiso-qarsimavoq, inissaqartillugu. Arsummit angallannikkut kiffartuussineq pingaarnesu-q RAB-imik isumaqatigiissuteqarnikkut pisarpoq, AUL aqqutigalugu Arsummut im-makkut angallassinermik qularnaarinninnikkut, Arsuk nammineq qulimiguulimmik aq-qusaarneqarneq ajormat.

Ilaasunik angallassineq pillugu isumaqatigiissutit tamarmik 2012-ip naanerani atuukkunnaartussaapput, aamma Ineqarnermut, Attaveqarnermut Angallanermullu Naalakkersuisoqarfik 2012-ip ingerlanerani kiffartuussinissamik nutaanik isumaqati-giissusiortussaavoq, taamalu Arsummi innuttaasunik siunissami sullissinissaq qular-naarneqartussaassaaq. Arsummi innuttaasunik angallannikkut sullissinissamik inaa-rutaasumik ilusiliinissaq 2012-ip ingerlanerani pissaaq.

Apeqqummut nassiunneqartumut Peqqissutsimut Naalakkersuisoqarfik imaattunik akissuteqarpoq:

Kangilinnguani sakkutooqarfik, Grønlands Kommando, nuunneqarpat Arsuk nu-natsinni nunaqarfinni allani sullissinermi inissisimaneq taakkunanilu periarfissat assi-galugit peqqinnissaqarfiup tungaanit sullinneqassaaq.

18. jan 2012
Sagsnr. SJ-STD-KAJO
Dok. Nr. 803746

Postboks 1160
Tlf: 34 50 00
Fax: 32 55 05
3900 Nuuk

Email: pn@nanog.gl
www.nanog.gl

Arsummi innuttaasunik pitsaanerpaamik sullissisinnanermi periarfissanut tungasuteqartut Peqqinnissaqarfiup Qullersaqarfiani maanna isumaliutersuutigineqaleruttorput, matumani Arsuq peqqinnissaqarfiimmut sorlermut siunissami atatinneqassanersoq ilanngullugu. Tamatumunnga paasissutissat 2012-imi martsip qiteqqunnerani saqqummiunneqarnissat naatsorsuutigineqarpoq.

2. Kangilinnguani sakkutooqarfik, Grønlandskommando, nuunneqareerpat qulimiguulinnik angallassisarnernut, nakorsaqarnikkut kigutilerisoqarnermilu sullissinermi pitsaassutsit ingerlatiinnarneqassappata qanoq akeqassappat?

Apeqqutigineqartumut Ineqarnermut, Attaveqarnermut Angallannermullu Naalakkersuisoqarfik imaattunik akissuteqarpoq:

Kangilinnguani sakkutooqarfik, Grønlands Kommando, suliaasaqarfinnut arlalinnut tapersiissuteqartarpoq, ilaatigut sakkutooqarfimmi atortorissaarutini atugassiisarnikkut aamma Kangilinnguani timmissartuussisarnernut atatillugu aningaasartuutit ilaannik akiliisarnikkut.


Taamaattumik qulimiguulimmik angallassisarnermi aningaasartuutitut piumasaqaatit malunnaatilimmik allannguuteqassapput, Kangilinnguani Sakkutooqarfik qimanneqarpat. Taamaattumik qulimiguulimmik angallassisarnerup ingerlatiinnarneqarnissaani aningaasartuutini naliliinissaq ajornarluinnarpoq.

Apeqqummut nassiuunneqartumut Peqqissutsimut Naalakkersuisoqarfik imaattunik akissuteqarpoq:

Kangilinnguani Sakkutooqarfiup, Grønlands Kommando, nuunneqarnerata Kalaallit Nunaanni Peqqinnissaqarfiimmut kingunerisinnaasaanik maannamut naatsorsuisoqarsimangilaq.

Aamma taamaattunik naatsorsuinissaq ilimagineqarsinnaassanngilaq ilisimangisat amerlaqimmata, taakku pingaartumik ilagaat nunaqarfiimmut nunaqarfiimiillu ingerlassisarnissanut periarfissat.

Inussiarnersumik inuulluaqqusillunga


Agathe Fontain



SIUMUT INATSIARTUNI ILAASORTAATITAT / LANDSTINGSGRUPPEN

**Inatsisartut Suleriaasiat pillugu aalajangersakkani § 37 imm. 2
naapertorlugit imatut Naalakkersuisunut apeqquteqaateqarpunga:**

Naalakkersuisunut apeqqutit:

**Arsummi qulimiguulinnik ingerlassisarnerni, nakorsaqarnikkut
kigutilerisoqarnermilu sullissinerni pitsaassutsit Naalakkersuisunit
aalajangiusimaannarniarneqarpat, Kangilinnguani sakkutooqarfik,
Grønlandskommando, Kangilinnguaniit nuunneqarpat?**

Inatsisartunut ilaasortaq Doris Jakobsen, Siumut

Aperisariaqarnermut patsisaasut:

Illersornissami pisussaasut ilisimatitsissugimmassuk Kangilinnguani
sakkutoorafik, Grønlandskommando, nuunneqarpata innuttaasunut
qanittuniittunut qanoq kinguneqartitsisoqassanersoq ilisimangikkitsik.

**Inatsisartut Suleriaasiat pillugu aalajangersakkani § 37 imm. 2 naapertorlugit
imatut Naalakkersuisunut apeqquteqaateqarpunga:**

Naalakkersuisunut apeqqutit:

**Kangilinnguani sakkutooqarfik, Grønlandskommando, nunneqareerpat
qulimiguulinnik angallassisarnernut, nakorsaqarnikkut
kigutilerisoqarnermilu sullissinermi pitsaassutsit
ingerlatiinnarneqassappata qanoq akeqassappat?**

Inatsisartunut Ilaasortaq Doris Jakobsen

Aperisariaqarnermut patsisaasut:

Illersornissami pisussaasut ilisimatitsissugimmassuk Kangilinnguani
sakkutoorafik, Grønlandskommando, nuunneqarpata innuttaasunut
qanittuniittunut qanoq kinguneqartitsisoqassanersoq ilisimangikkitsik.